



Stem wann du mit dem

Zufechten zu dem azamm kampf So
Reicht also setz deinnen rechten fuoß vor vnd haw im mit dem sturz haw oben ein zu seiner
Linncken seiten volg mit deinnem linncken fuoß hinnach vnd greiff mit deinner rechten
hand im dein schwerts klinggen bey deinnem schilt vnd schneid in also durch das ange
sicht stastu dann mit deinnem linncken fuoß gogen im vnd er dich begeret zu schneiden
solasß dein linncken hand von deinnem knopff vnd such mit deinnem schwert zwischen
seinen beiden Armen hindurch im den ort im sein angesicht im dem greiff mit deiner
linncken hand ober seinen rechten arm vornen im dein schwerts klinggen tret mit
deinnem rechten schenckel zu im hinnein vnd winnd mit deinnem schwert auf dein
linncken seiten das dein knopff ober sich küm so schneidstu in ober baid arm vnd magst
im den knopff ob im sein angesicht stossen oder im sein Brust